



Ra In Takto Eo An Dritto Ikijen Naninmij In Jorren Kemelij

Naninmij in Jorren Kemelij Eo Rej Na-Etan Schizophrenia

Marshallese



Ta In Schizophrenia?

Mottan kokalle ko jinooin boke naninmij in Schizophrenia, ekka an kabwilonlon im kabokbok bwe enaj wor jet oktak ilo mantin drinaninmij eo. Elukkun kijon eddro im bin nan ro nukun armij eo ej boke naninmij in kinke reminene kake an ekeke im ejmour mokta jen an boke naninmij in. Jonon mokaj in an beddro tok kokalle in naninmij in, rej na-etan "acute phase of schizophrenia".

"Psychosis," ej juon kokalle in schizophrenia im jej elolo armij ak jet men ko rejjab mool im einwot jej konaan wot make iad ak jej jab konaan ber ilobwileej, im jet wot kan kain ad kenono, kolmenlokjen, kab mantid.

Kokkalle Ko Rollab Ilo Naninmij In

Oktak Aer Kolmenlokjen: Kin Men Ko Rej Walok Nan Er: Ro rej bok naninmij in schizophrenia renaj lak reitok im kalimjok jet men ko rej walok, eoktak im kabokbok aer lomnak kaki jen jet armij ro rej bar reilok im kalimjeki ejja men kan wot. Wawen mour rot in im elab an oktak kolmenlokjen en aer kin aer lo jet men ko rejjab mool ilo aer jela im melele kake, ekomman bwe armij rein rej bok naninmij in Schizophrenia ren ber wot ilo aer lalnon, im uwata bwe aolep men im kamijak im kabokbok.

Hallucinations: Hallucination ej walok ne jej reilok im lale juon men im ewor oktak ie ak juon men eo ej kakkure jejjet im mool eo ilo an walok, im ejjab einwot an aolep armij jela im melele kake. Hallucination ej jet men ko rej walok tok nan kij ak ejelok bedbed in an naj kar walok tok. Mene hallucination emaron lak walok tok ej itok einwot juon ainikien eo, ak nem eo, makitkit eo, ak juon men eo ej aanuri eok, ekka wot an itok einwot ainikien jet armij botaaejelok en ej ron ainikien armij rein, rinaninmij en wot.

Delusions: Delusion ej kain tomak ko rej jab mool. Jenaj lale kin kain armij en ewor an naninmij in paranoid (juon iaan jilu rinaninmij in schizophrenia rej boke) ekka aer lomnak ettoone armij ke rej mone ak kaapononoik er, im ke ewor en ej

lomnak in baijini er. Bar juon, emaron wor kain tomak ko rej na etan, delusions of grandeur, im rinaninmij eo ej tomak ke e ej juon riutiej ak armij bunbun kin jet jerbal ko rellab ikijen kien ak jerbal ko jet im emoj an kotobraki.

Oktak Ilo An Kolmenlokjen:

Schizophrenia ej komman bwe en oktak im jab jimwe ad lomnak. Jemaron lomnake jet men innem emokaj an bar jako lomnak ko; armij eo ejjab maron in to an kolmenlokjen kin juon men eo ej lomnak kake im eban to lomnake juon men.

Wawen Kwalok Buruon: Juon bar kokkalle in schizophrenia ej ne jet ien einwot ejelok unin an anlab kake jet men ak elukkun kwalok an abonono kaki, ak jet ien elukkun ejelok men en ej abonono kake.

Schizophrenia Ej Walok Jen Ta

Ejjanin wor juon lukkun men eo rej loe ke ej komman naninmij in schizophrenia. Elon naninmij ko jet einwot naninmij in menono, rej itok jen ad bodrane nukud ikijen gene ko ilo botoktokid, kab bodrane nukud ikijen wawen aer makitkit, im elon men ko jet jemaron ba kaki; im bwelen jej bar bodrane nukud kin naninmij in schizophrenia.

Wawen Etale

Elukkun aorok bwe takto ro ren etale mokta ewor ke an naninmij ko jet, bwe jet ien armij rej bok kin naninmij in jorren kemelij ko rellab im bar einwot naninmij in psychosis, eo ej walok jen jet bar naninmij in enbwinid. Kin menin, elukkun aorok bwe takto eo en bok melele kin baamle eo an im naninmij ko an jen ke ekar drik tok nan kio, im kommane physical exam eo im wortar an lab teej einwot ke ej bar mottan wawen etale ewor ke an bar naninmij mokta jen aer ba ke ewor an naninmij in schizophrenia. Juon ien etale eo elukkun bolemen enaj ber aolepen history in naninmij ko an jen ke ekar drik tok nan kio, kab naat eo naninmij ko rekar jinoe, ewi toon an boke, ewi jonon an kar boke, im ne ekar bar boke lok mokta, ekar ke wor uno en rekar lelok im etan uno ko. Bar juon, kinke ewor jet uno ko rekajur rinaninmij rej buki wot jokron ne rejjab aikuiji im rej komman bwe en einwot ne ewor aer naninmij in schizophrenia, im renaj aikuij in lelok dren in kappojak im botoktok bwe takto ran ren jela ewor ke uno rot kein ibbaer. Kinke uno kein remaron bar komman an armij konaan mane er make, takto ran renaj bar kajjitok rot kein.

Bar einwot, ilo history eo an rinaninmij eo, ej aikujin wor kajjitok kin armij ro nukun, bwe ne ekar wor en ekar bok naninmij in schizophrenia, innem uno rot ko rekar lelok nan e im rekar ke jerbal uno ko.

Right Ko Am

Ne kwoj drelon einwot juon rinaninmij in mental health ak jikin takto ikiken jorren in kemelij, ebwe an lon am right. Jet iaan right kein rej ikiken an jimwe im jejjet aer komman im kautiej eok; right ko ikiken an mokaj im jejjet aer jibane eok im lewaj uno; right ko ikiken aer lewaj melele kin uno ko am im ta ko remaron walok nan kwe ilo am buki uno ko, im bar einwot, ne ewor, ta uno ko jet kwo maron buki ijelokin uno ko rej liwaj.

Wawen Takto Eo Kwoj Kelete

Takto ro rekar etale history in naninmij ko am renaj kalikkar wawen takto ko rekkar nan kwe bwe kwon ekalel. Elon kain uno nan naninmij in im emmon ne kwonaj bwebwenato ibben juon eo emelele kin naninmij in schizophrenia bwe remaron jiban komaram lok lomnak ko am kake im jiban eok kin kilen bobraeki.

Ewor jet uno in bobrae naninmij in jorren kemelij ko rekaal einwot risperidone (ak Risperdal) im olanzapine (ak Zyprexa), im edriklok aer kauwatata jen uno ko lok mokta (ak clozapine), im rinaninmij rejjab kanuoj in edrodro kaki. Bar einwot, enaj wor ien aer katakini rinaninmij eo im baamle eo an kin schizophrenia, im kwalok kokkalle ko rej walok, im kin uno ko nan bobraeki im takto renaj lewaj an prescription, enaj bar mottan men in katak ko reaorok nan rinaninmij eo im armij ro nukun ikiken naninmij in .

Kememej bwe uno in Majol ko kab tomak ko am ikiken kabun, rej bar aorok nan jiban ijelokin uno ko takto rej liwaj.

Schizophrenia Ibben Ri-Majol

Jouj im ba nan takto ro, nurse ro, ak case manija ro ne ewor kilen kamodmode naninmij in schizophrenia ibben Majol, im eoktak jen kilen kamadmod kein takto rein rej liwaji. Rekonaan jela jen kwe ta tomak kane am ikiken naninmij in hallucination im kin wawen an ri-uno in Majol ro ad kamadmode naninmij rot kein. Ne ewor am tomak ikiken kabun ne am, kwon jouj im bar kalikkare. Bar juon, ne kwoj aikuiji juon am ri-ukok nan ien ka kwoj kenono ibben takto ra am, kojellaiki case manija eo am im renaj boktok juon eo ejelok wonaan nan kwe.

Ne ewor melele en kwoj aikuiji kin schizophrenia, calle clinic eo an mental health ebaake tata eok, ne ejab call nan case manija eo am.